



Pra capela




Image not found or type unknown

Idiom: Gherdëina

Meludia: Stefan Demetz

Paroles: Stefan Demetz

Pra capela sun nosc pra
flëur na siena for d'instà.
Uni di la jënt ti cëla
ala rojula tan bela,
al bel ciof che crësc dansù,
al unëur dl cuer Gejù.

Sun la sëira fra y sor
cun l surëdl bel sc'che n or.
Sun l scialier dlongia la siena
uniun bel coche l miena
la urazions se diji su
bel devoc al cuer Gejù.

L surëdl va dojù,
uni flëura se stluj su,
oradò la prima stëila
luna ca ala capela,
cueciun, or, arjënt lessù
al unëur dl cuer Gejù.